



ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

07 հուլիսի 2023 թվականի թիվ 67-Ա

ք. Երևան

«ԱՐՏ-ԹԻՎԻ-ՆԵԹ» ՍՊ ԸՆԿԵՐՈՒԹՅԱՆ ՆԿԱՏՄԱՄԲ ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ՝ Հանձնաժողով) ուսումնասիրելով 2023 թվականի հունիսի 21-ին իր նախաձեռնությամբ հարուցված թիվ 28 վարչական վարույթի նյութերը՝ **պարզեց**.

Հանձնաժողովը, «Տեսալսողական մեդիայի մասին» օրենքով (այսուհետ՝ Օրենք) վերապահված իր վերահսկողական գործառնություններն իրականացնելիս, հայտնաբերել է Օրենքի պահանջի խախտում, այն է՝ ցանցային օպերատորի գործունեություն իրականացնող «ԱՐՏ-ԹԻՎԻ-ՆԵԹ» ՍՊ ընկերության (այսուհետ՝ ցանցային օպերատոր) կողմից՝ «Россия 24», «Мир 24», «Звезда», «ТВЦ», «Супер герой», «Дикий охота и рыбалка», «300 ТВ», «Discovery», «DTX HD», «Мужское кино», «Киномикс», «Дом кино», «Киноужас», «Любимое кино», «Eurosport 1», «Eurosport 2», «Матч премьер», «Ֆաաթ սպորտ», «Ֆաաթ սպորտ 1», «Ֆաաթ սպորտ 2» և «MMA-TV!» տեսալսողական ծրագրերն առանց պայմանագրի վերահաղորդում իրականացնելու Օրենքի դրույթի պահանջի խախտման փաստը:

Հանձնաժողովը, ղեկավարվելով Օրենքի 32-րդ հոդվածի 1-ին մասի 14-րդ կետով և 42-րդ հոդվածով, համաձայն որի՝ Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով և հիմք ընդունելով Հանձնաժողովի նախագահի 2023 թվականի հունիսի 14-ի թիվ 23-Ա հրամանը՝ իրականացրել է ցանցային օպերատորի մոտ մշտադիտարկում՝ տեղում դիտարկում իրականացնելու միջոցով:

Տեղում դիտարկում իրականացնելու արդյունքում 2023 թվականի հունիսի 21-ին Հանձնաժողովի ծրագրերի մոնիտորինգի և վերահսկողության վարչության կողմից կազմվել է արձանագրություն, համաձայն որի ցանցային օպերատորի հեռարձակող կայանում ժամը՝ 11:15-ից 12:00-ն իրականացված մշտադիտարկման արդյունքում պարզվել է, որ ցանցային օպերատորի կողմից վերահաղորդվում են թվով 83 հետևյալ տեսալսողական ծրագրերը՝ «Հ1», «Շողակաթ», «Արմենիա», «Շանթ» «Ա-Թիվի», «Կենտրոն», «Ֆրի Նյուզ», «Բուն TV», «Նոր Հայաստան», «5-րդ ալիք», «21 TV», «1-ին լրատվական», «Россия РТР», «Россия К», «Мир», «1ий канал», «Հ2», «5+», «Երկիր Մեդիա», «Россия 24», «РБК», «Мир 24», «НТВ Мир», «REN

TV», «Звезда», «СТС», «Домашний international», «ТВЦ», «5-ый канал», «Пятница! international», «Перец», «НТВ С (сериал)», «НТВ стиль», «НТВ право», «Карусель», «СТС kids», «Домашний мир», «Խաղալիք», «Супер герой», «Հայ TV», «Шансон ТВ», «ТНТ Music», «Bridge TV», «Մուզրոն», «Дикий охота и рыбалка», «Nat Geo Wild», «Зоо ТВ», «National Geographic», «Discovery», «DTX HD», «Кухня TV», «Ֆիրենцу», «Թավա TV», «Бобер», «ԼայքՀայք», «Мужское кино», «Кинопреьера», «Кинохит», «Киносемья», «Киномикс», «Еврокино», «Կինոման», «Բազմոց TV», «ТВ 3 international», «Дом кино», «Киноужас», «Кинокомедия», «Индийское кино», «Любимое кино», «Eurosport 1», «Eurosport 2», «Матч премьер», «Ֆաութ սպորտ», «Ֆաութ սպորտ 1», «Ֆաութ սպորտ 2», «ММА-TV!», «Бокс ТВ», «Ֆորտունա», «Շանթ Գյումրի», «Ցայգ», «Կոտայք TV», «Տավուշ TV», «Ազատություն TV» և «Արարարտ TV» :

Հանձնաժողովի ծրագրերի մոնիտորինգի և վերահսկողության վարչության կողմից իրականացվել է նաև ցանցային օպերատորի գործունեության մշտադիտարկման արդյունքների արձանագրությունում նշված վերահաղորդվող տեսալսողական ծրագրերի և ցանցային օպերատորի կողմից 2023 թվականի փետրվարի 28-ին Հանձնաժողով ներկայացված վերահաղորդվող տեսալսողական ծրագրերի ցանկի համադրություն, որի արդյունքում պարզվել է հետևյալը.

Փաստացի վերահաղորդվող ծրագրերի և ներկայացված վերահաղորդվող տեսալսողական ծրագրերի ցանկի համադրության արդյունքում պարզվել է, որ ցանցային օպերատորի կողմից ներկայացված վերահաղորդվող տեսալսողական ծրագրերի ցանկում, բացի փաստացի վերահաղորդվող ծրագրերից, առկա են նաև «Զանգեզուր TV», «Abovyan TV», «Gexama TV», «Դելտա-TV», «Նուռ TV», «Fox», «Fox Life», «Baby TV», «ТНТ-Comedy», «ТНТ 4 International», «Матч! Планета», «Охотник и рыболов SD» (Рыболов) տեսալսողական ծրագրերը, որոնք արձանագրություն կազմելու պահին չեն վերահաղորդվել, ինչն արգելված չէ օրենքով և չի խախտում այլոց իրավունքները:

Միաժամանակ պարզվել է, որ ցանցային օպերատորի կողմից ներկայացված վերահաղորդվող տեսալսողական ծրագրերի ցանկից բացակայում են «Россия 24», «Мир 24», «Звезда», «ТВЦ», «Супер герой», «Дикий охота и рыбалка», «Зоо ТВ», «Discovery», «DTX HD», «Мужское кино», «Киномикс», «Дом кино», «Киноужас», «Любимое кино», «Eurosport 1», «Eurosport 2», «Матч премьер», «Ֆաութ սպորտ», «Ֆաութ սպորտ 1», «Ֆաութ սպորտ 2» և «ММА-TV!» տեսալսողական ծրագրերը, որոնք փաստացի վերահաղորդվել են արձանագրությունը կազմելու պահին:

Հանձնաժողովը, ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի բ) կետով, 2023 թվականի հունիսի 21-ին ցանցային օպերատորի նկատմամբ հարուցել է վարչական վարույթ՝ հիմք ընդունելով Հանձնաժողովի ծրագրերի մոնիտորինգի և վերահսկողության վարչության կողմից ցանցային օպերատորի գործունեության մշտադիտարկման արդյունքների հիման վրա 2023 թվականի հունիսի 21-ին կազմված մշտադիտարկման իրականացման և արդյունքների վերաբերյալ արձանագրությունը, որն Օրենքի 42-րդ հոդվածի 18-րդ մասի համաձայն՝ հիմք է հանդիսանում վարչական վարույթ հարուցելու համար, իսկ հարուցված վարչական վարույթի շրջանակներում ծառայում է որպես վարչական վարույթի ապացույց:

Հանձնաժողովը հարուցված վարչական վարույթի մասին 2023 թվականի հունիսի 23-ին ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները և բացատրությունները:

Ցանցային օպերատորը հարուցված վարչական վարույթի ընթացքում՝ 2023 թվականի հունիսի 26-ին, Հանձնաժողով է ներկայացրել հետևյալ պարզաբանումը.

«Տեղեկացնում եմ, որ 21.06.2023թ. ՀՌՀ մշտադիտարկման արդյունքների վերաբերյալ արձանագրությունում և «ԱՐՏ-ԹԻՎԻ-ՆԵԹ» ՍՊԸ-ի (այսուհետ՝ Ընկերություն) կողմից

28.02.2023թ. ՀՌՀ ներկայացված վերահաղորդվող տեսալսողական ծրագրերի ցանկում առկա անհամապատասխանությունները պայմանավորված են նրանով, որ Ընկերությունը իրականացրել է «Россия 24», «Мир 24», «Звезда», «ТВЦ», «Супер герой», «300 ТВ», «Discovery», «DTX HD», «Мужское кино», «Киномикс», «Дом кино», «Киноужас», «Любимое кино», «Eurosport 1», «Eurosport 2», «Матч премьер», «Футар սպորտ», «Футар սպորտ 1», «Футар սպորտ 2» և «ММА-TV!» տեսալսողական ծրագրերի փորձնական վերահաղորդում:

Վերջինս պայմանավորված է եղել Ընկերության տեխնիկական վերազինմամբ: Ընկերությունը ձեռք է բերել 8/1 IP DVB-Modulator NDS3308T օպտիկական փոխարկիչ, ինչի աշխատանքի արդյունավետությունը գնահատելու, հաճախորդների պահանջները տվյալ ալիքների նկատմամբ դիտարկելու, ինչպես նաև բիզնես նպատակահարմարությունը հասկանալու համար իրականացվել է տվյալ ալիքների փորձնական վերահաղորդում՝ մատակարարների համաձայնությամբ:

Ինչ վերաբերում է «Дуким охота и рыбалка» տեսալսողական ծրագրին, ապա հարկ եմ համարում նշել, որ ընկերության կողմից տեղի է ունեցել սխալմունք: Նշված տեսալսողական ծրագրի փոխարեն, ըստ Ընկերության և «ՖԻԼՄՍ.ԱՄ» ՍՊԸ-ի միջև 04.10.2022թ. կնքված պայմանագրի հավելված 1-ի, պետք է իրականացվել «Охотник и рыбалов» տեսալսողական ծրագրի վերահաղորդումը: Այս խնդիրն Ընկերության կողմից արդեն լուծում է ստացել:

Ուստի, մյուս տեսալսողական ծրագրերի մասով հայցում ենք Ձեր ներողամտությունը և տեղեկացնում, որ դիտարկիչները հետ տարվող բանակցությունների արդյունքում անհրաժեշտության դեպքում կկնքվեն պայմանագրեր կամ կդադարեցվեն տվյալ տեսալսողական ծրագրերի վերահաղորդումը հնարավորինս սեղմ ժամկետում»:

Հանձնաժողովի հիմնավորումները (պատճառաբանությունը) և եզրահանգումը.

Այսպիսով, վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն ամրագրում է հետևյալը.

Օրենքի 2-րդ հոդվածի 1-ին մասը սահմանում է.

«Հայաստանի Հանրապետության տեսալսողական մեդիայի մասին օրենսդրությունը ներառում է Հայաստանի Հանրապետության Սահմանադրությունը, «Տեսալսողական մեդիայի մասին», «Զանգվածային լրատվության մասին», «Էլեկտրոնային հաղորդակցության մասին», «Հեղինակային իրավունքի և հարակից իրավունքների մասին», «Լեզվի մասին», «Գովազդի մասին» օրենքները, Հայաստանի Հանրապետության ընտրական օրենսգիրքը, կարգավորող պետական մարմնի իրավական ակտերը, տեսալսողական մեդիայի ոլորտը կարգավորող այլ իրավական ակտեր և Հայաստանի Հանրապետության միջազգային պայմանագրերը»:

Համաձայն Օրենքի 32-րդ հոդվածի 1-ին մասի 14-րդ կետի՝ Հանձնաժողովն իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին, 3-րդ, 11-րդ և 18-րդ մասերը սահմանում են.

«1. Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով: Ուղղակի դիտարկման արդյունքները կարող են համադրվել տեսալսողական հաղորդումների հաշվառման էլեկտրոնային մատյանների տվյալներին:

3. Տեսալսողական մեդիայի մասին օրենսդրության պահանջների խախտման վերաբերյալ տեղեկություններ ունենալու դեպքում օպերատորի գործունեության տեղում դիտարկումն իրականացվում է կարգավորող պետական մարմնի նախագահի հրամանի հիման վրա:

11. Մշտադիտարկման արդյունքների մասին արձանագրությունն ուղղակի դիտարկում իրականացնելու դեպքում ստորագրում է մշտադիտարկում իրականացրած անձը, իսկ օպերատորի մոտ տեղում դիտարկում իրականացնելու դեպքում ստորագրում է կարգավորող պետական մարմնի և օպերատորի ներկայացուցիչը:

18. Մշտադիտարկման արդյունքների վերաբերյալ արձանագրությունը կարող է հիմք հանդիսանալ վարչական վարույթ հարուցելու համար, իսկ հարուցված վարչական վարույթի շրջանակներում ծառայել որպես վարչական վարույթի ապացույց»:

Օրենքի 60-րդ հոդվածի 8-րդ մասի համաձայն՝ Օրենքն ուժի մեջ մտնելուց հետո ցանցային օպերատորները կարգավորող պետական մարմին տեղեկություն են ներկայացնում իրենց ցանցում վերահաղորդվող տեսալսողական ծրագրերի մասին:

Օրենքի 49-րդ հոդվածի 1-ին մասի համաձայն՝ Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Օրենքի 49-րդ հոդվածի 5-րդ մասը սահմանում է.

«Վերահաղորդվող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին»:

Հանձնաժողովի կողմից ուսումնասիրվել են վարչական վարույթի նյութերը և առաջնորդվելով ինչպես գործում առկա, այնպես էլ ներկայացված ապացույցներով, ուսումնասիրության արդյունքում Հանձնաժողովն ամրագրում է, որ ցանցային օպերատորի կողմից 2023 թվականի փետրվարի 28-ին Հանձնաժողով է ներկայացվել վերահաղորդվող տեսալսողական ծրագրերի ցանկը, որտեղ չեն եղել խնդրո առարկա հանդիսացող տեսալսողական ծրագրերը՝ 49-րդ հոդվածի 1-ին և 5-րդ մասերի դրույթների պահանջները:

«Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին մասի համաձայն՝ այլ անձինք ստեղծագործությունը կարող են օգտագործել միայն ստեղծագործության նկատմամբ գույքային իրավունքները կրող անձի (ստեղծագործության հեղինակ կամ այլ անձ, որին այդ իրավունքներն անցել են օրենքով սահմանված կարգով, այսուհետ՝ իրավատեր) թույլտվությամբ՝ հեղինակային պայմանագրի հիման վրա, եթե սույն օրենքով այլ բան նախատեսված չէ:

Նույն օրենքի 65-րդ հոդվածի 1-ին մասի համաձայն՝ սույն օրենքով պահպանվող ստեղծագործության կամ դրա էական մասի կամ հարակից իրավունքների օբյեկտի ցանկացած օգտագործում անօրինական է, եթե նախապես, մինչև նման օգտագործումը ձեռք չի բերվել հեղինակային իրավունքի կամ հարակից իրավունքների իրավատիրոջ թույլտվությունը:

Հանձնաժողովը որպես տեսալսողական մեդիայի ոլորտը կարգավորող պետական մարմին Օրենքով վերապահված իր վերահսկողական լիազորություններն իրականացրել է ցանցային օպերատորի գործունեության մշտադիտարկում՝ տեղում դիտարկում իրականացնելու միջոցով և դիտարկման արդյունքում 2023 թվականի հունիսի 21-ին կազմված արձանագրությամբ նշված տեսալսողական ծրագրերի և ցանցային օպերատորի կողմից Հանձնաժողով ներկայացված վերահաղորդվող տեսալսողական ծրագրերի ցանկի համադրության արդյունքում արձանագրել է, որ ցանցային օպերատորի կողմից փաստացի վերահաղորդվում են մի շարք տեսալսողական ծրագրեր, որոնք բացակայում են վերջինիս կողմից ներկայացված տեսալսողական ծրագրերի ցանկից:

Հանձնաժողովի կողմից ուսումնասիրվել են վարչական վարույթի նյութերը, որոնք համադրվել են Հանձնաժողովի տեղում դիտարկման արդյունքներին, ներկայացված տեսալսողական ծրագրերի ցանկին և հայտնի է դարձել, որ ցանցային օպերատորն իր

գործունեությունն իրականացնում է՝ **խախտելով Օրենքի 49-րդ հոդվածի 1-ին մասի պահանջը:**

Այսպիսով, վարչական վարույթի նյութերի ուսումնասիրության արդյունքում ամրագրում ենք, որ Օրենքի 49-րդ հոդվածի 1-ին մասով ցանցային օպերատորի լիցենզիա ստացած անձի համար պարտավորություն է սահմանված Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը վերահաղորդել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Փաստում ենք նաև, որ լիցենզիա ստացած ցանցային օպերատորը վերահաղորդում է տեսալսողական ծրագրեր և պարտավոր է պահպանել տեսալսողական մեդիայի բնագավառը կարգավորող օրենսդրության պահանջները, իսկ Օրենքի դրույթները խախտելու դեպքում կրել պատասխանատվություն օրենքով սահմանված կարգով, ուստի, Օրենքի պահանջի չկատարումն ինքնին բերում է պատասխանատվության:

Ցանցային օպերատորը պետք է հաշվի առնի, որ օրենքներով հստակ սահմանվում են իրավական նորմեր, որոնց չպահպանելն առաջացնում են իրավական հետևանքներ և ցանցային օպերատորը պատասխանատվություն է կրում տեսալսողական մեդիայի ոլորտը կարգավորող օրենսդրության կիրառման ապահովման համար և տվյալ դեպքում ցանցային օպերատորը պարտավոր էր պահպանել **Օրենքի 49-րդ հոդվածի 1-ին և 5-րդ մասերով սահմանված դրույթների պահանջները:**

Հանձնաժողովն ամրագրում է, որ տեղում դիտարկման արդյունքում պարզվել է, որ ցանցային օպերատորի կողմից վերահաղորդվում են՝ «Россия 24», «Мир 24», «Звезда», «ТВЦ», «Супер герой», «Дикий охота и рыбалка», «Зоо ТВ», «Discovery», «DTX HD», «Мужское кино», «Киномикс», «Дом кино», «Киноужас», «Любимое кино», «Eurosport 1», «Eurosport 2», «Матч премьер», «Футб с պորտ», «Футб с պորտ 1», «Футб с պորտ 2» և «ММА-TV!» տեսալսողական ծրագրերը, իսկ ցանցային օպերատորի կողմից նշված տեսալսողական ծրագրերի վերահաղորդումն իրականացվում է առանց պայմանագրերի և միայն վարչական վարույթի շրջանակներում Հանձնաժողով ներկայացված պարզաբանմամբ ցանցային օպերատորը հայտնել է, որ Հանձնաժողովի կողմից ցանցային օպերատորի գործունեության մշտադիտարկման արդյունքների արձանագրությունում նշված վերահաղորդվող տեսալսողական ծրագրերի և ցանցային օպերատորի կողմից 2023 թվականի փետրվարի 28-ին Հանձնաժողով ներկայացված վերահաղորդվող տեսալսողական ծրագրերի ցանկի համադրության արդյունքում առկա անհամապատասխանությունները պայմանավորված են նրանով, որ ցանցային օպերատորի կողմից իրականացվել են «Россия 24», «Мир 24», «Звезда», «ТВЦ», «Супер герой», «Зоо ТВ», «Discovery», «DTX HD», «Мужское кино», «Киномикс», «Дом кино», «Киноужас», «Любимое кино», «Eurosport 1», «Eurosport 2», «Матч премьер», «Футб с պորտ», «Футб с պորտ 1», «Футб с պորտ 2» և «ММА-TV!» տեսալսողական ծրագրերի փորձնական վերահաղորդում, որը պայմանավորված է եղել վերջինիս կողմից տեխնիկական վերազինմամբ:

Ինչ վերաբերում է «Дикий охота и рыбалка» տեսալսողական ծրագրին, ապա ցանցային օպերատորը հարուցված վարչական վարույթի ընթացքում իր պարզաբանմամբ հայտնել է նաև, որ իրենց կողմից տեղի է ունեցել սխալմունք: Նշված տեսալսողական ծրագրի փոխարեն, ըստ ցանցային օպերատորի և «ՖԻԼՄՍ.ԱՄ» ՍՊԸ-ի միջև 04.10.2022թ. կնքված պայմանագրի հավելված 1-ի, պետք է իրականացվեր «Охотник и рыбалов» տեսալսողական ծրագրի վերահաղորդումը, սակայն նշված պայմանագիրը հարուցված վարչական վարույթի ընթացքում չի ներկայացրել:

Ցանցային օպերատորն իր պարզաբանմամբ հայտնել է նաև, որ «...մյուս տեսալսողական ծրագրերի մասով հայցում ենք Ձեր ներողամտությունը և տեղեկացնում, որ

դիսպոզիցիայի հետ փոխարկող բանակցությունների արդյունքում անհրաժեշտության դեպքում **կկնքվեն պայմանագրեր կամ կդադարեցվեն փոխալ տեսալսողական ծրագրերի վերահաղորդումը հնարավորինս սեղմ ժամկետում**»։ Այսպիսով, Հանձնաժողովն ամրագրում է, որ ցանցային օպերատորն ընդունում է, որ որոշ տեսալսողական ծրագրերի վերահաղորդումն իրականացրել է առանց պայմանագիր կնքելու, իսկ իր կողմից ներկայացված պարզաբանումն այն մասին, որ Օրենքի բացթողումը տեխնիկական վերազինման և սխալմունքի արդյունքում է տեղի ունեցել, հիմնավոր և բավարար չէ Օրենքի 49-րդ հոդվածի 1-ին և 5-րդ մասերի դրույթներով սահմանված իրավախախտումը չարձանագրելու և պատասխանատվությունը չկիրառելու համար։

Ելնելով վերոգրյալից, վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է, որ խախտվել է **Օրենքի 49-րդ հոդվածի 1-ին և 5-րդ մասերի պահանջները**։

Այսպիսով, ցանցային օպերատորի կողմից իրականացվել է իրավախախտում, որը համապատասխանում է **Օրենքի 57-րդ հոդվածի 6-րդ մասի հատկանիշներին**։

Օրենքի 32-րդ հոդվածի 1-ին մասի 11-րդ կետի համաձայն՝ կարգավորող պետական մարմինը՝ Օրենքի խախտման կամ իր որոշումները չկատարելու դեպքում կիրառում է պատասխանատվության միջոցներ։

Օրենքի 55-րդ հոդվածի 1-ին մասի համաձայն՝ կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց մասին կարգավորող պետական մարմնին գրավոր տեղեկացվելու դեպքում կարգավորող պետական մարմինը կիրառում է հետևյալ վարչական տույժերը.

- 1) գրավոր նախազգուշացում.
- 2) տուգանք.
- 3) հեղինակազորման կամ լիցենզիայի գործողության կասեցում.
- 4) հեղինակազորման կամ լիցենզիայի գործողության դադարեցում։

Օրենքի 57-րդ հոդվածի 6-րդ մասը սահմանում է.

«Ցանցային օպերատորի կողմից առանց պայմանագրի վերահաղորդում իրականացնելը՝ առաջացնում է տուգանքի նշանակում՝ Հասույթի 0.04 տոկոսի, բայց ոչ պակաս, քան սահմանված նվազագույն աշխատավարձի հիսնապատիկի չափով։»

Ելնելով վերոգրյալից, ղեկավարվելով «Տեսալսողական մեդիայի մասին» օրենքի 2-րդ հոդվածի 1-ին մասով, 32-րդ հոդվածի 1-ին մասի 11-րդ և 14-րդ կետերով, 42-րդ հոդվածով, 49-րդ հոդվածի 1-ին և 5-րդ մասերով, 55-րդ հոդվածի 1-ին մասի 2-րդ կետով և հիմք ընդունելով «Տեսալսողական մեդիայի մասին» օրենքի 57-րդ հոդվածի 6-րդ մասը՝ Հեռուստատեսության և ռադիոյի հանձնաժողովը **որոշեց.**

1. «ԱՐՏ-ԹԻՎԻ-ՆԵԹ» ՍՊ ընկերության նկատմամբ կիրառել վարչական տույժ՝ տուգանելով սահմանված նվազագույն աշխատավարձի հիսնապատիկի չափով։
2. Սույն որոշումն ուժի մեջ մտնելուց հետո՝ 10 օրյա ժամկետում, Հեռուստատեսության և ռադիոյի հանձնաժողովը ներկայացնել «ԱՐՏ-ԹԻՎԻ-ՆԵԹ» ՍՊ ընկերության կողմից վերահաղորդվող տեսալսողական ծրագրերի վերաբերյալ ամբողջական ցանկը։

3. Սույն որոշումն ուժի մեջ է մտնում այն «ԱՐՏ-ԹԻՎԻ-ՆԵՔ» ՍՊ ընկերությանը պատշաճ ձևով հանձնելու օրվան հաջորդող օրվանից:
4. Սույն որոշումը կարող է բողոքարկվել ՀՀ վարչական դատարան՝ ուժի մեջ մտնելու օրվանից երկամսյա ժամկետում:

**ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ
ՀԱՆՁՆԱԺՈՂՈՎԻ ՆԱԽԱԳԱՀ**

Տ. ՀԱԿՈԲՅԱՆ

07 հուլիսի 2023թ.
ք. Երևան